





REPUBLIKA E SHQIPËRISË
KËSHILLI I MINISTRAVE



V E N D I M

Nr. 816 , datë 16.11.2016

P Ë R

STRUKTURËN, KRITERET E PËRZGJEDHJES
DHE MARRËDHËNIET E PUNËS SË PUNONJËSVE TË NJËSISË
PËRGJEGJËSE NË AUTORITETET PUBLIKE, NË ZBATIM
TË LIGJIT NR.60/2016, "PËR SINJALIZMIN DHE MBROJTJEN
E SINJALIZUESVE"

Në mbështetje të nenit 100 të Kushtetutës dhe të pikës 3, të nenit 10, të ligjit nr.60/2016, "Për sinjalizimin dhe mbrojtjen e sinjalizuesve", me propozimin e ministrit të Shtetit për Çështjet Vendore, Këshilli i Ministrave

V E N D O S I:

1. Struktura përgjegjëse për sinjalizimin dhe mbrojtjen e sinjalizuesve në autoritetet publike me mbi 80 të punësuar përbëhet nga dy nëpunës/punonjës.
2. Njësia përgjegjëse në autoritetet publike është drejtuesi i strukturës së auditimit të brendshëm dhe një nëpunës/punonjës i saj. Në mungesë të tyre, kjo njësi përbëhet nga dy nëpunës/punonjës të njësisë së auditimit të brendshëm.
3. Në ato raste kur autoriteti publik nuk ka në strukturën e tij strukturë auditimi të brendshëm, njësia përgjegjëse për sinjalizimin dhe mbrojtjen e sinjalizuesve është drejtuesi i strukturës së burimeve njerëzore dhe një nëpunës/punonjës i saj. Në mungesë të tyre, kjo njësi përbëhet nga dy nëpunës/punonjës të strukturës së burimeve njerëzore.
4. Autoritetet publike, të cilat në strukturën e tyre kanë njësi të posaçme, ndër të tjera, për luftën ndaj korrupsionit dhe praktikave apo veprimeve të

dyshuara të korrupsionit, kryejnë edhe detyrën e njësisë përgjegjëse, në zbatim të ligjit nr.60/2016.

5. Në ato autoritete publike, në të cilat nuk mund të zbatohen pikat 2 dhe 3, të këtij vendimi, për shkak se nuk kanë strukturë auditimi apo të burimeve njerëzore ose nuk plotësohet numri, sipas pikës 1, të këtij vendimi, njësia përgjegjëse plotësohet ose përbëhet nga dy nëpunës/punonjës të përhershëm të autoritetit, të cilët, përveç detyrave që kryejnë dhe kushteve/kritereve të përgjithshme e të veçanta, të përcaktuara në legjislacionin që rregullon marrëdhënien e punës, duhet të plotësojë edhe këto kushte:
 - a) Të kenë vjetërsi në punë jo më pak se dy vjet;
 - b) Të kenë mbaruar arsimin e lartë, i preferueshëm në shkencat juridike, shkencat sociale ose shkencat ekonomike;
 - c) Të mos jenë dënuar me vendim të formës së prerë për kryerjen e një vepre penale.

6. Autoritetet publike, që kanë degë territoriale në Republikën e Shqipërisë, krijojnë njësinë përgjegjëse vetëm në strukturën qendrore të tyre.

7. Caktimi si nëpunës/punonjës i njësisë përgjegjëse për sinjalizimin dhe mbrojtjen e sinjalizuesve në autoritetin publik, krahas detyrave dhe funksioneve të pozicionit të punës, sipas aktit të emërimit, është pa afat dhe përfundon me mbarimin e marrëdhënieve në atë pozicion pune.
8. Njësia përgjegjëse për zbatimin e ligjit nr.60/2016, si strukturë që ndjek në vazhdimësi sinjalizimin e një veprimi ose praktike të dyshuar korrupsioni si dhe mbrojtjen e sinjalizuesve nga hakmarrja në veprimtarinë e saj, mban kontakte të vazhdueshme me ILDKPKI-në. Njësia përgjegjëse në sektorin publik vepron në mënyrë të pavarur dhe jashtë çdo influence tjetër, të padrejtë, që mund të pengojë realizimin e detyrave të saj në zbatim të ligjit nr. 60/2016.
9. Për çdo ndërprerje të marrëdhënies së punës ndërmjet autoritetit publik dhe nëpunësit/punonjësit të njësisë përgjegjëse, informohet menjëherë ILDKPKI-ja. Titullari i autoritetit publik merr masat e nevojshme që të zëvendësojë menjëherë nëpunësin/punonjësin e larguar të njësisë përgjegjëse me punonjës të strukturës përkatëse ose, sipas rastit, të strukturave të tjera, duke zbatuar kriteret e përcaktuara në këtë vendim.
10. Nëpunësit/punonjësit e njësisë përgjegjëse largohen nga kjo detyrë me urdhër të titullarit të autoritetit publik, kur:
 - a) japin dorëheqjen me shkrim nga detyra e njësisë përgjegjëse, e cila i dërgohet, njëkohësisht, edhe ILDKPKI -së;

- b) dënohen me vendim gjyqësor të formës së prerë, për kryerjen e një vepre penale;
- c) kryejnë shkelje të rëndë të legjislacionit që rregullon sinjalizimin dhe mbrojtjen e sinjalizuesve;
- ç) përfundon marrëdhënien e punës me autoritetin publik.

11. Titullarët e autoriteteve publike emërojnë nëpunësit/punonjësit në detyrën e njësisë përgjegjëse brenda 15 ditësh, nga hyrja në fuqi e këtij vendimi, dhe njoftojnë me shkrim inspektorin e përgjithshëm të ILDKPKI-së për krijimin e njësive përgjegjëse, së bashku me kontaktet e saj.

Ky vendim hyn në fuqi pas botimit në "Fletoren zyrtare".

K R Y E M I N I S T R I

EDI RAMA

**MINISTRI I SHTETIT
PËR ÇËSHITJET VENDORE**

BLENDAR ÇUÇI



REPUBLIKA E SHQIPËRISË
 MINISTRIA E PUNËVE TË BRENDSHME
 KARTELA SHOQËRUESE E PRAKTIKËS

Dërgues: Sekretari i Pergjithshem

Nr. _____ Prot./datë _____ .2016

Marrësi: Drejtoria e Policisë së Shtetit

Nr. 8021 Prot./datë 06.12 .2016

Përmbatja: Për njëzë VKM nr. 816 dt 16.11.2016

Për t'u trajtuar nga: Drejtoria e Pergjithshme
- Drejtorëve e Sektorëve në varësi të Drejtorit ISH

Me POROSINË Për njëzë e zbatuar.

Z. F. Shani, Z. H. Bëta.

Është marrë në konsiderim dhe miratuar nga kryesia VKM
 Datë: 6.12 .2016 Me raportimin!

Autoriteti

Afati: NORMAL (7 ditë) /PRIORITET (3 ditë)/ URGJENT(brenda ditës)

I ka kaluar për zgjidhje

Me POROSINË

Datë: _____ .2016

Marrë në dorëzim: Datë _____ .2016

Eprori

Struktura e ngarkuar:

Datë: _____ .2016

SHËNIM:

Marrë në dorëzim: Datë _____ .2016

Personi i ngarkuar: z znj. _____

Datë: _____ .2016

SHËNIM:

Marrë në dorëzim: Datë _____ .2016

Trajtimi i materialit përfunduar nr:

Specialisti: datë _____ .2016

Sektor: datë _____ .2016

Drejtoria: datë _____ .2016

Drejtori i Pergjithshem: datë _____ .2016

Dorëzuar eprorit porosues: Datë _____ .2016



REPUBLIKA E SHQIPËRISË
MINISTRIA E PUNËVE TË BRENDSHME
SEKRETARI I PËRGJITHSHËM

Nr. 7912/Prot

Tiranë, më 01/12/2016

Lënda: Për njohje

Drejtuar:

1. Drejtorisë së Policisë së Shtetit ✓
2. Gardës së Republikës
3. Qendrës së Shërbimeve dhe Administrimit të Mjeteve të Transportit
4. Inspektoriatit Kombëtar të Mbrojtjes së Territorit
5. Drejtorisë së Përgjithshme të Rezervave Materiale të Shtetit
6. Qendrës Kombëtare Pritëse për Azilkërkuces
7. AITPP-së
8. Shtëpisë së Pushimit të Ministrisë së Punëve të Brendshme

Durrës

9. Shërbimi i Çështjeve të Brëndshme dhe Ankesave
10. Prefektit të Qarkut Berat
11. Prefektit të Qarkut Dibër
12. Prefektit të Qarkut Durrës
13. Prefektit të Qarkut Elbasan
14. Prefektit të Qarkut Fier
15. Prefektit të Qarkut Gjirokastrë
16. Prefektit të Qarkut Korçë
17. Prefektit të Qarkut Kukës
18. Prefektit të Qarkut Lezhë
19. Prefektit të Qarkut Shkodër
20. Prefektit të Qarkut Tiranë
21. Prefektit të Qarkut Vlorë
22. Nënprefektit Kavajë
23. Nënprefektit Lushnje
24. Nënprefektit Sarandë

Bashkëlidhur ju dërgojmë për njohje VKM-në nr. 816, datë 16.11.2016 "Për strukturën, kriteret e përzgjedhjes dhe marrdhëniet e punës së punonjësve të njësisë përgjegjëse në autoritetet publike, në zbatim të ligjit nr. 60/2016, "Për sinjalizimin dhe mbrojtjen e sinjalizuesve".

Duke ju falënderuar për bashkëpunimin.

SEKRETARI I PËRGJITHSHËM

GENCI GJONÇAJ